

畿輔通志卷二十六

表十一 職官二 宋

宋

經略安撫使一人以直祕閣以上充掌一路兵民之事皆帥其屬而聽其獄訟頒其禁令定其賞罰稽其錢穀甲械出納之名籍而行以法若事難專決則具可否具奏卽於機速邊防及士卒抵罪者聽以便宜裁斷

宋史職官志

舊制安撫以知州兼充大中大夫以上或曾歷侍從乃得之品卑者止稱主管某路安撫司公事中興以後職名稍高者出守皆可兼如係二品以上卽稱安撫大使凡帥府皆帶馬

步軍都總管

同上

走馬承受諸路各一員隸經略安撫總管司政和六年改爲

廉訪使者靖康初罷之復爲走馬承受同

節度使從二品宋初無所掌其事務悉歸本州知州通判兼總

之亦無定員同上

承宣使無定員舊名節度觀察留後政和七年改爲承宣使

正四品宋初留後觀察皆不得本州刺史大中祥符七年令有

司檢討故事始復帶之同上

觀察使無定員初沿唐制置諸州觀察使正五品凡諸衛將軍

及使遙領者資品並止本官敘宋史職官志祥符中詔觀察使並

帶刺史政和中詔承宣觀察使仍不帶持節文獻通考

防禦使團練使諸州刺史無定員防禦團練刺史俱從五品防禦團練副使從八品

凡未落階官者爲遙郡除落階官者爲正任宋史職官志

謹案文獻通考節度使在唐爲閫帥觀察團練使在唐爲

監司防禦使在唐爲邊將刺史在唐爲郡守至宋則閩帥
監司邊將郡守各別有以名其官而節度承宣觀察團練
防禦刺史則俱無職任特以爲武臣遷轉之次序唐防禦
使在團練使之下宋朝陞之於上

發運使副判官掌經度山澤財貨之源漕淮浙江湖六路儲
廩以輸中都而兼制茶鹽泉寶之政崇甯三年始別差官提
舉茶鹽紹興八年再置經制發運使九年廢發運使

同上

都轉運使掌經度一路財賦而察其登耗有以足上供及郡
縣之費歲行所部檢察儲積稽考帳籍凡吏蠹民瘼悉條以
上達熙甯初詔三路漕臣合自辟屬各二員以京朝官曾歷
知縣者爲之中興後有軍旅之事則供餽錢糧或令本官隨
軍轉運或別置隨軍轉運使一員或諸路事體當合一則置

都轉運使以總之隨軍及都運廢置不常而正使不廢若副使若判官皆隨資之淺深稱焉其屬有主管文字幹辦官各一員文臣準備差遣武臣準備差使員多寡不一

同上

制置使中興以後置使掌本路諸州軍馬多以安撫大使兼之亦以統制兵馬官充地重秩高者加制置大使位宣撫副使上或置副使以貳之大使置屬參謀參議主管機宜書寫文字各一員幹辦公事三員準備將領差遣差使各五員餘隨時勢而增損焉

同上

宣諭使掌宣諭德意不預他事歸卽結罷

同上

宣撫使不常置有軍旅大事則命執政大臣爲之其屬有參謀官參議官機宜幹辦公事

同上

宣撫副使不常置亦有不置使而置副亦有身爲正使兼領

副使

同上

宣撫判官不常置實上幕也猶轉運使副判官之比

同上

招討使掌招收討殺盜賊之事不常置位在宣撫使之下制

置使之上差隨軍轉運使一員參議官一員幹辦官三員隨

軍幹辦官四員書寫機宜文字一員並聽奏辟

文獻通考

招撫使不常置

同上

撫諭使掌慰安存問採民之利病條奏而罷行之亦不常置

或不以使名則稱撫諭官所至以某州撫諭司爲名

宋史職官志

鎮撫使舊所無有中興假權宜以收羣盜屬有參議官書寫

機宜文字各一員幹辦公事二員並聽奏辟

同上

提點刑獄公事掌察所部之獄訟而平其曲直所至審問囚

徒詳覆案牘凡禁繫淹延而不決盜竊逋竄而不獲皆劾以

聞及舉刺官吏之事舊制參用武臣熙甯初罷之六年置諸路提刑司檢法官紹聖初以提刑兼坑治事中興以盜賊未衰諸路無武臣提刑處權添置一員建炎四年罷乾道六年詔諸路分置武臣提刑須選差公廉曉習法令民事之人如無聽闕其後稍橫不復除

同上

提舉常平司掌常平義倉免役市易坊場河渡水利之法視歲之豐歉而爲之斂散以惠農民仍專舉刺之事熙甯初先遣官提舉河北陝西路常平未幾諸路悉置提舉官元祐初罷之併其職於提點刑獄司紹興初復置元符後因之

同上

提舉茶鹽司掌摘山煮海之利以佐國用

同上

都大提舉茶馬司掌權茶之利以佐邦用凡市馬於四夷率

以茶易之

同上

提舉坑冶司掌收山澤之所產及鑄泉貨以給邦國之用

同上

提舉市舶司掌蕃貨海舶征權貿易之事

同上

提舉學事司掌一路州縣學政歲巡所部以察師儒之優劣

生員之勤惰而專舉刺之事崇甯二年置宣和三年罷

同上

都水監舊隸三司河渠嘉祐三年始專置監以領之判監事

一人以員外郎以上充同判監事一人以朝官以上充丞二

人主簿一人並以京朝官充輪遣丞一人出外治河埽之事

或一歲再歲而罷其有諳知水政或至三年置局於澶州號

曰外監元豐正名置使者一人丞二人主簿一人使者掌中

外川澤河渠津梁隄堰疏鑿浚治之事丞參領之南北外都

水丞各一人都提舉官八人監埽官百三十有五人皆分職

蒞事元祐四年復置外都水使者五年詔南北外都水丞並

以三年爲任

同上

謹案歷代職官表自東漢以後至唐末率鮮河患都水之官皆置自京師遙領河渠之務而已五代河患萌芽周顯德初大決楊劉至宋而爲患益甚於是使有都水外監是爲治河之官在外置司之始外監分置南北是爲治河之官分任南北之始然宋時治河六塔二股工役妄興東流北流議論紛起因事置官其名不一故都水監之外又有提舉河渠司都水提舉修河司皆總河之任也

元祐七年議回河東流乃詔河北東西漕臣及開封府界提

點各兼南北外都水事

同上

元祐七年詔南北外兩丞司管下河埽今後令河北京西轉運使副判官府界提點分認界至內河北仍於衙內帶兼管

南北外都水公事

宋史河渠志

塘灤諸水所聚因以限遼河北屯田司祿邊安撫司皆掌之

而以河北轉運司兼都大制置

同上

乾德五年詔開封大名府及各州長吏並兼本州河隄使開寶五年詔自今開封大名等十七州府各置河隄判官一員

卽以本州通判充如通判闕員卽以本州官充

同上

謹案歷代職官表宋都水監之屬有都提舉八人專司河

務元祐時又令轉運使副皆兼都水事此卽今日河道之

職又河北轉運使制置塘灤若今直隸總督兼總河之職

而沿邊屯田安撫司掌塘灤若今直隸通永清河大名大

順廣四道兼河務之事又宋之河隄判官卽今河工同知

以下等專理河務者也開封大名等府州長吏各兼本州

河隄使卽今知縣兼理河務者也

府州監軍宋初分命朝臣出守列郡號權知軍州事其後文武官參爲知州軍事二品以下及帶中書樞密院宣徽使職事稱判太守掌總理郡政若大名府則兼留守司公事定州眞定府瀛州大名府京兆府則兼安撫使馬步軍都總管其餘州郡或當一道衝要者並兼兵馬鈐轄巡檢都監

文獻通考

次府牧尹少尹司錄戶曹法曹士曹司理文學助教尹闕則知府事一人以朝官及刺史以上或諸司使充通判一人以京朝官充通判宋乾德初始置時大郡置二員餘置一員州不及萬戶不置

宋史職官志

謹案文獻通考藝祖之設通判而以重臣臨制之號稱監州官雖郡佐間有出於朝廷之特命令之所謂間職在宋

時則爲州郡最要之任蓋因削藩鎮而重知州之權因重軍州而嚴通判之選其事勢有相因者也

幕職官簽書判官廳公事兩使防團軍事推判官節度掌書

記觀察支使

節度觀察防禦團練軍事判官推官節度掌書記觀察支使諸州簽判俱從八品

掌碑

贊郡政總理諸案文移斟酌可否以白於其長而罷行之凡

員數多寡視郡小大及政務之煩簡

同上

諸曹官舊制錄事參軍掌州院庶務糾諸曹稽違

同上

戶曹參軍掌戶籍賦稅倉庫受納

同上

司法參軍掌議法斷刑

同上

司理參軍掌訟獄勘鞫之事

節鎮上中下州錄事參軍節鎮上州諸司參軍事俱從八品中

下州諸司參軍從九品 同上

教授慶厯四年詔諸路州軍監各令立學學者二百人以上

許更置縣學自是州郡無不有學始置教授委運司及長史於幕職州縣內薦或本處舉人有德藝者充熙甯六年詔諸路學官委中書門下選差至是始命於朝廷若試教官則始於元豐添差教授則始於政和

同上

建隆元年令天下諸縣除赤畿外有望緊上中下

謹案通考四干戶爲

望三千戶已上爲緊二千戶已上爲上千戶已上爲中不滿千戶爲中下五百戶已下爲下又諸州上中下縣令從八品

若京朝幕官則爲知縣事有戍兵則兼兵馬都監或監押初建炎多差武臣紹興詔專用文臣乾道元年詔知縣以二年

爲任雖有更革卒以三年爲任

文獻通考

縣丞

諸州上中下縣丞從八品

初不置天聖中開封兩縣始各置丞一員

熙甯四年諸路州軍繁劇縣令戶二萬已上增置丞一員元祐元年省罷崇甯二年宰相蔡京請縣並置丞一員建炎元

年詔嘉祐以前員闕並萬戶處存留一員餘並罷嘉定後小

邑不置丞以簿兼

宋史職官志

主簿

諸州上中下縣主簿從九品

開寶三年詔諸縣千戶已上置令簿尉

四百戶已上置令尉令知主簿事四百戶以下置簿尉以主

簿兼知縣事

同上

尉

諸州上中下縣尉從九品

建隆三年每縣置尉一員在主簿之下凡縣

不置簿則尉兼之

同上

宋馬步軍都總管以節度使充副總管以觀察已下充有止

一州者有數州爲一路者有帶兩路三路者或文臣知州則

管勾軍馬事有禁兵駐泊其地者冠以駐泊之名景德詔諸

路並去行營之名止爲駐泊總管慶厯三年詔自今路分總

管鈐轄以上許與都總管司同議軍事路分都監以下並聽

都總管等節制八年諸州部署並改兵馬總管副總管建炎元年帥府文臣一員帶安撫使馬步軍都總管武臣一員充副總管改路分爲副總管路鈐轄爲副鈐轄州鈐轄爲副都監紹興二年詔郡守臣罷帶兵職諸路副總管可依舊改充路分鈐轄十二年諸路並置州總管一員

文獻通考

都副鈐轄宋初以朝官及諸司使以上充亦有無都字者嘉祐詔內臣爲鈐轄都監者逐路止置一員建炎三年詔要郡守臣兼兵鈐轄改爲路分都監

同上

路分都監掌本路禁旅屯戍邊防訓練之政令州府以下都監皆掌其本城屯駐兵甲訓練差使之事資淺者爲監押大觀三年詔帥府無路分鈐轄望都無路分都監者許置一員建炎初分置帥府以諸路帥臣兼要郡守臣帶兵馬鈐轄次

要郡帶兵馬都監並以武臣爲之副稱副總管副鈐轄副都監遇朝廷起兵則副總管爲帥副鈐轄都監各以兵從聽其節制紹興三年詔要郡次要郡守臣罷帶兵職其逐路副總管依舊格改充路分都監其各州鈐轄或省或置不一又有逐路兵馬都監兵馬監押

宋史職官志

巡檢中興以後分置都巡檢使都巡檢州縣巡檢地分闊遠處皆置巡檢一員往來接連合相應援處則置都巡檢以總之各隨所在聽州縣守令節制本砦事並申取州縣指揮

同上

謹案宋史地理志府州之在今直隸境者有河北東路治大名府領府二曰開德河間州七曰滄冀莫雄霸恩清軍四曰永靜乾甯信安保定又河北西路治真定府領府三曰中山信德慶源州五曰洺深磁祁保軍四曰安肅永甯

廣信順安其大名府

慶歷八年置大名府路安撫使

領縣五元城大名成

安魏縣宗城開德府

鎮甯軍節度

領縣四濮陽臨河清豐南樂

河間府

瀛海軍節度後置高陽路安撫使

領縣三河間樂壽束城滄州

橫海

軍節度

領縣三清池南皮鹽山冀州

舊團練升安武軍節度

領縣六信

都蓼縣南宮棗強武邑衡水莫州

防禦

領縣一任邱雄州

防禦

領縣二文安大城恩州

永清軍節度

領縣一清河清州

本乾甯軍

領

縣一乾甯砦六

鈞臺獨流北獨流東當城沙渦百萬

永靜軍領縣二東光阜

城信安軍領砦七

周河刁魚田家狼城佛聖渦鹿角李詳

保定軍

後廢為縣知縣事仍

兼軍使

領砦二

桃花安甯

真定府

慶歷八年置真定府路安撫使

領縣九真定藁

城樂城元氏井陘獲鹿平山行唐靈壽砦一

北砦

中山府

初改

定武軍節度慶歷八年始置定州路安撫使

領縣七安喜無極曲陽唐縣望都

新樂北平砦一

軍城

信德府

安國軍節度

領縣八邢臺沙河任縣

堯山平鄉內邱南和鉅鹿慶源府慶源軍節度領縣七平棘甯

晉臨城高邑隆平柏鄉贊皇洺州防領縣四永年肥鄉雞

澤曲周深州防領縣五靜安束鹿安平饒陽武強磁州團練

領縣二滏陽邯鄲祁州團練領縣三蒲陰鼓城深澤保州軍

領縣一保塞安肅軍本靜安軍改安肅軍又廢領縣一安

肅永甯軍後廢為博野縣知縣事仍兼軍使領縣一博野廣信軍本威虜軍景德

元年改廣信軍領縣一遂城順安軍本高陽關若領縣一高陽又案幽

順等州入遼宣和間歸宋置燕山府路領涿州威行軍節度檀

州鎮遠軍節度平州撫甯軍節度易州防營州防順州團練薊州團練景

州軍經州又雲中府路內如奉聖歸化蔚儒嫺等州皆歸

宋尋復入金凡職名可考者均為列入

經略節度轉運等使副使判官府州監軍通判以下縣令丞簿尉